



O'ZBEKISTON OVOZI

Shu aziz VATAN — barchamizniki!

2015-yil, 17-fevral. Seshanba • 19 (31.922)

Ijtimoiy-siyosiy gazeta

1918-yil 21-iyundan chiqa boshlagan

www.uzbekistonovozi.uz

ЎЗХДП МАҲАЛЛИЙ КЕНГАШЛАРИДА

САЙЛОВЛАРДА ФАОЛ ИШТИРОК ЭТИШ МУҲИМ ВАЗИФАДИР

БЕКОБОД ШАҲАР «МЕТАЛЛУРГЛАР» МАДАНИЯТ САРОЙИДА ЎЗБЕКISTON ХАЛҚ ДЕМОКРАТИК ПАРТИЯСИ МАРКАЗИЙ КЕНГАШИ ҲАМДА ТОШКЕНТ ВИЛОЯТ КЕНГАШИ ҲАМКОРЛИГИДА «САЙЛОВ ЖАРАЁНЛАРИ, УНДА ЎЗБЕКISTON ХДП ТАШКИЛОТЛАРИНИНГ ИШТИРОКИ ВА ВАЗИФАЛАРИ» МАВЗУСИДА СЕМИНАР БЎЛИБ ЎТДИ.

УНДА ЎЗХДП МАРКАЗИЙ КЕНГАШИ МАСЪУЛ ХОДИМЛАРИ, ОЛИЙ МАЖЛИС ҚОНУНЧИЛИК ПАЛАТАСИДАГИ ПАРТИЯ ФРАКЦИЯСИ АЪЗОЛАРИ, ТОШКЕНТ ВИЛОЯТ ҲАМДА БЕКОБОД ШАҲАР ПАРТИЯ КЕНГАШИ ФАОЛЛАРИ, КЕНГ ЖАМОАТЧИЛИК ВАКИЛЛАРИ ИШТИРОК ЭТДИ.



Ўзбекистон Республикаси Президенти САЙЛОВИ — 2015



29 МАРТ

40

КУН ҚОЛДИ

ҚОРАҚАЛПОҒИСТОН РЕСПУБЛИКАСИ

Қорақалпоғистон Республикасида Президент сайловига пухта тайёргарлик кўрилмоқда. Бу жараёнларни оммавий ахборот воситаларида кенг ёритиш мақсадида марказий газеталар, радио-телевидение, ахборот агентликлари вакиллари рўйхатга олиниб, уларга махсус аккредитациялар тақдим этилди.

Сайлов жараёнларини ёритадиган журналистлар учун барча шароитлар яратилган, — дейди **1-Қорақалпоғистон округ сайлов комиссияси раиси ўринбосари Мухтор Ибрагимов**. — Журналистлар бу борада бевосита матбуот маркази билан ҳамкорликда иш олиб боришади. Замонавий компьютер ва алоқа воситалари билан жиҳозланган матбуот маркази зарур адабиётлар, сайловга оид қонунлар, услубий қўлланмалар билан таъминланган.

Қорақалпоғистонда сайлов қонунчилигидан хабардор фуқаролардан ташкил топган 589 участка сайлов комиссияси таркиби тасдиқланган. Барча сайлов участкаларининг тартиб рақами ва манзили кўрсатилган ҳолда улар ҳақидаги маълумотлар қорақалпоқ, ўзбек ва рус тилларида маҳаллий нашрларда эълон қилинди.

Республикада 1 миллион 159 минг 795 нафар сайловчи Президент сайловида иштирок этиши кутилмоқда. Аини пайтда сайлов участкаларини жиҳозлаш, сайловчилар учун етарли қулайликлар яратиш ишлари олиб боришмоқда.

ҚАШҚАДАРЁ

Бугунги кунда 13-Қашқадарё округ сайлов комиссияси томонидан Президент сайловини юқори савияда ўтказиш юзасидан қатор чора-тадбирлар кўрилмоқда.

Айтиш керакки, мамлакатимиздаги муҳим сиёсий-ижтимоий жараённи ўтказишда, энг аввало, участка сайлов комиссиялари аъзолари сайлов қонунчилигидан яхши хабардор бўлишлари талаб этилади. Шу боис вилоятда ўқув-семинарлари, амалий учрашувлар ташкил этишга алоҳида аҳамият қаратиляпти.

Вилоятимизда Ўзбекистон Республикаси Президенти сайловини ўтказиш учун 867та участка сайлов комиссияси тузилган, — дейди **округ сайлов комиссияси котиби Ботир Шукuroв**. — Жойларда сайлов участкаларининг моддий-техник таъминоти ҳамда сайловчиларнинг овоз бериши билан боғлиқ ташкилий ишлар ниҳоятга етказилмоқда. Сайловга тайёргарлик кўриш, сайлов билан боғлиқ жараёнлар хусусида жамоатчиликни кенг хабардор қилиш, айниқса, сайловда биринчи бор қатнашадиган ёшларнинг билим ва тушуналари ошириш борасидаги ишлар изчил давом эттириляпти.

ЖИЗЗАХ

Ўзбекистон Республикаси Президенти сайловини ўтказувчи 4-Жиззах округ сайлов комиссиясида тайёргарлик ишлари қизгин паллага кирди. Аини пайтда вилоятда тузилган сайлов участкаларини замонавий алоқа воситалари ва бошқа жиҳозлар билан таъминлаш ишлари тугалланмоқда.

Округ сайлов комиссияси ташкил этган матбуот анжуманида сайловга тайёргарлик жараёнларини ОАВда кенг ёритишда ҳолислик мезонларига қатъий амал қилиш муҳим аҳамиятта эга экани таъкидланди.

Ўзбекистон Республикаси Президенти сайловига тайёргарлик ишлари режа асосида амалга оширилмоқда, — дейди **округ сайлов комиссияси раиси Абдумажид Сатторов**. — Сайловнинг очиқ-ошкоралик тамойиллари асосида ўтказилишида оммавий ахборот воситаларининг ўрни беқиёсдир. Шу боис бу жараёнлар вилоят, шаҳар ҳамда туман босма ва электрон оммавий ахборот воситаларида кенг ёритилмоқда.

Бундан ташқари, вилоятдаги 463та сайлов участкаларида сайловчилар учун тиббиёт ҳамда оналар ва болалар махсус хоналари ташкил қилинган.

Аҳмад ЮСУПОВ тайёрлади.

Сайловга тайёргарлик ишлари тўғрисида тахририятимизга хабар қилинг.

Тел.: (0-371) 233-10-13, 233-65-45 info@uzbekistonovozi.uz

ҲОТАМЖОН КЕТМОНОВНИНГ ФАРҒОНА ҲАМДА НАМАНГАН ВИЛОЯТЛАРИ САЙЛОВЧИЛАРИ БИЛАН УЧРАШУВИ

Мамлакатимизда Ўзбекистон Республикаси Президенти сайловига тайёргарлик жараёни давом этмоқда. «Ўзбекистон Республикаси Президенти сайлови тўғрисида»ги қонуннинг 28-моддасига мувофиқ, Марказий сайлов комиссиясининг Ўзбекистон Республикаси Президентлигига номзодларнинг сайловолди ташвиқоти тўғрисидаги қарори асосида жойларда номзодларнинг сайловчилар билан учрашувлари бошланди.

Халқ демократик партиясидан Ўзбекистон Республикаси Президентлигига номзод Ҳотамжон Кетмонов 16 февраль кuni Фарғона вилояти сайловчилари билан учрашди.

Учрашувни Ўзбекистон Республикаси Президенти сайловини ўтказувчи 11-Фарғона округ сайлов комиссиясининг раиси Н.Собиров очди. Президентликка номзоднинг ишончли вакили М.Маҳкамов йиғилганларни номзоднинг таржимаи ҳоли билан таништирди.

Тадбирда Ўзбекистон Республикаси Президентлигига номзод Ҳ.Кетмонов ўз сайловолди дастури юзасидан нутқ сўзлади.

Дастурда давлат ва жамият томонидан манзилли ижтимоий ҳимоя қилиш тизимини такомиллаштириш, кам таъминланган оилаларни ҳар томонлама қўллаб-қувватлаш самарадорлигини ошириш, ижтимоий таъминот тизимларини такомиллаштириш, аҳоли бандлигини таъ-

минлаш орқали турмуш фаровонлигини юксалтириш каби йўналишларга алоҳида эътибор қаратилган.

Учрашувда Марғилон тиббиёт коллежи директори Ш.Эрматов, Фарғона нефтни қайта ишлаш заводи директори ўринбосари Ш.Нишонбоев, Ўзбекистон Халқ демократик партиясини вилоят кенгаши раиси ўринбосари Д.Мамажонов ва бошқалар Ўзбекистон Республикаси Президенти сайлови кўппартиявийлик асосида ўтаётгани мамлакатимизда демократия тамойилларига амал қилинаётгани, миллий сайлов тизими халқаро нормаларга тўла мос келишидан далолат эканини таъкидлади.

Сайловчиларни 2015 йил 29 март кuni бўлиб ўтадиган Ўзбекистон Республикаси Президенти сайловида фаол иштирок этишга чақирди.

М.СУЛАЙМОНОВ,
ЎЗА мухбири.

Жойларда Ўзбекистон Республикаси Президентлигига номзодларнинг сайловчилар билан учрашувлари давом этмоқда. Ана шундай тадбирлардан бири 16 февраль кuni Наманган шаҳрида бўлиб ўтди. Унда Халқ демократик партиясидан Ўзбекистон Республикаси Президентлигига номзод Ҳотамжон Кетмонов наманганлик сайловчилар билан учрашди.

Учрашувни Ўзбекистон Республикаси Президенти сайловини ўтказувчи 6-Наманган округ сайлов комиссиясининг раиси Ф.Ортиқов очди. Президентликка номзоднинг ишончли вакили А.Қирғизбоев йиғилганларни номзоднинг таржимаи ҳоли билан таништирди.

Тадбирда Ўзбекистон Республикаси Президентлигига номзод Ҳ.Кетмонов ўз сайловолди дастури юзасидан нутқ сўзлади.

Дастурда аҳоли бандлигини таъминлаш тизимини доимий равишда такомиллаштириш, аҳолига юқори сифатли ва мақбул тиббий ёрдамдан кенг фойдаланиш имкониятини таъминлаш, демократик ҳуқуқий давлат ва очиқ фуқаролик жамиятини шакллантириш борасидаги ва бошқа асосий вазифалар белгиланган.

Учрашувда «Наманган ҳақиқати» газетаси бош муҳаррири

М.Парпиев, Ўзбекистон ХДП Уйчи туман кенгаши раиси, халқ депутатлари Наманган вилоят Кенгаши депутати Р.Абдуллаев, «Камолот» ёшлар ижтимоий ҳаракати вилоят кенгаши раиси ўринбосари М.Убайдуллаев ва бошқалар Ўзбекистон Республикаси Президенти сайлови кўппартиявийлик ҳамда муқобиллик асосида, халқаро демократик тамойилларга мос ўтаётганини таъкидлаб, Президентликка номзоднинг сайловолди дастури ва унда белгиланган устувор вазифалар хусусида ўз фикр-мулоҳазаларини билдирди. Сайловчиларни 2015 йил 29 март кuni бўлиб ўтадиган Ўзбекистон Республикаси Президенти сайловида фаол иштирок этишга чақирди.

А.САТТОРОВ,
ЎЗА мухбири.

«Ўзбекистон овози» газетаси сайтида ва навбатдаги сонларида:

Сиёсий партия фракцияси ва депутатлари фаоллиги парламент иши самарадорлигини таъминлайди

«Ҳеч ким меҳр ва эътибордан четда қолмасин»

